

侯鯖錄卷之七

聊復翁 趙德麟

沈存中 祐 元豐中入翰林為學士有開

元樂詞四首裕陵賞愛之詞云

鳩鵲樓頭日暖蓬萊殿裡花香草綠  
烟迷步輦天高日近龍床

樓上正臨宮外人間不見仙家寒食  
輕烟薄霧滿城明月梨花



按舞驪山影裏。回鸞澗水光中。玉笛  
一天明月。翠葉滿陌東風。

殿後春旗簇仗。樓前御隊穿花。一片  
紅雲開處。外人遙認官家。

欄楯王逸注云。縱曰欄。橫曰楯。楯。閭子  
曰。櫺欄楯殿上臨邊之飾。亦以防人  
墜墮。今言鈎欄是也。沙門玄應撰

唐杭州缺刺史歌。除李遠為守。宣宗曰

遠詩云。青山不厭千杯酒。白日唯消  
一局棋。如此安能治民。此繆陋之甚  
也。使才臣治郡。有餘暇。鈴閣奕棋。未  
害為政。豈特一詩中言。碁便謂不能  
治民。有以見宣宗之度未宏遠耳。  
比來仕大夫。借人之書不錄。不讀不還。  
便為已有。又欲使人之無本。潁州一  
士子九經各有數十部。皆有題記。是

謂借諸人之書不還者每眩本多大  
余不欲言未嘗不歸戒兒曹也

陳叔易崇寧中為宋喬年薦得官入

晁以道有詩云處士何人為作牙盡  
携猿鶴到京華新禾滿地秋風起六  
六峰前只一家未久以道亦為勢人  
所引入京適得書寄此詩來予次韻  
曰 聞道諸公置齒牙買鞵賣展趨

年華太平起隱無遺策空盡嵩陽處  
士家始者以道叔易皆居嵩陽誓不  
出仕云

傳載曰僧淡然者為詩曰 到處自鑿  
井不能飲常流與孟郊退之為洛下  
之遊退之作嘲淡然鼾睡詩是也

唐劉從諫死其子禎請襲位未許發兵  
擾河內朝廷命檢校右僕射王義元

專征會義元卒遣檢校太尉王宰都  
統驍卒檢校右僕射石雄為副未即  
進討武宗切於威功遣內養崔神召  
丞相李衛公於便殿曰此賊使朕髮  
眉陡白諸將不清殺戮卿等可為作  
制馭秦來朕坐此以待衛公至中書  
召御史中丞李回宣上旨請公以行  
命回為催陣使發自右銀臺門九十

四道郵吏戎車導引至近驛觀者傾  
京師公至蒲東召荒嶺都統王幸其  
副石雄韃腰帕首俯扶道左拜諸公  
摠轡受禮顧左右喚當直令史處分  
費破賊限狀來二將揮汗通六十日  
內請收潞洲城違限請行軍令五十  
八日潞州送積首請降官軍入王黨  
拜回中書侍郎平章事回即驛功李

相也

秦神太尉師道預知金賊反復上進二

詩多為張六大尉者收藏不達已備

言大金連結情狀後果叛盟詩曰

外塞胡兒裡黨臣勾連殺衆赴京城

團團闊闊孤平寨不識皇家王氣星

又云 飛蛾視火殘生滅燕逐群鷹

命不存從今一掃胡兵盡萬年不敢

上南行後金人奔突犯闕皆如其言

初與折可存立殊勲後欲繫賊不用

其言氣憤而卒

崇寧中特奏名狀元徐邁瓊林宴罷作

詩曰 白髮青衫晚得官瓊林頓覺

酒腸寬平康夜過無人問留得宮花

醒後看亦二十年前進士也

近歲林棣縣虞候張坦暴酷嗜利並死

瘞城外月餘夜夜叫呼村人報其家  
謂復生妻子輩開掘視之身化巨蛇  
頭尚人也取之置荆囿中他日體寒  
要厚被日食肉二斤許酒一斗復能  
人言時召故曰喻以禍福以邀酒食  
至費竭所蓄家產之後乃入山隄幼  
子及婦能飼之後數月頭亦蛇矣漸  
不能人言太平廣記中載人化為虎

多矣未見生化為蛇也

瞿元化說

歐陽文忠公晚年最喜陳知默詩云恨  
不多記但記其兩聯一云 平地風  
烟橫白鳥半山雲木卷蒼藤一云

雲埋山麓歲秋雨葉落林稍帶晚風  
傳欽之作中丞言劉仲馮一日貢父逢  
之曰小姪何過致起臺章欽之慚云  
也只三平二滿文字貢父熟視笑曰

七上八下人材

張安道少年謫滁州道遇一僧舍入門  
悵然便悟前生曾作寺僧手寫楞伽  
經四卷聞其徒具言有老僧平生誦  
此經自書者猶匣在屋梁上取視之  
筆迹宛然與今生一同遂託東坡書  
此經施錢入金山寺了元長老刻板  
印施坡作後序詳言之矣及坡作杭

倅游壽星院入門便悟曾到熊言其  
院後前殿山石處作詩記云乃知性  
慈慧者必是大修行中來非一世重  
習所致

先伯父洋州侯有文學名于嘉祐治平  
間有落花詩云綠珠楼下堪惆悵宋  
玉墻頭又別離又御溝詩云一一條  
浪截紅塵斷幾曲遙通紫禁深



長安慈恩寺僧見數女仙夜吟詩云黃  
子陂頭好月明忘却華筵到曉行烟  
收山低翠黛橫折得荷花遠恨生僧  
出揖之化為白鷓飛去明日又題云  
湖水團團夜如鏡碧樹紅花相掩映  
北斗闌干曉柄移有似佳期常不定  
孫萃老形貌古竒熙寧中論事不合責  
出世謂沒興孔夫子孔宗翰宣聖之

後氣質肥厚劉貢父目之孔子家小  
二郎元祐中二人俱為侍郎二部爭  
事於殿門外幄次中劉貢父過而謂  
曰吾黨之直者異於是坐中有悟之  
者大笑

滕元發少居鄉里寺中修業一日烹寺  
犬食之僧笑曰能作滕先生偷狗賦  
即不申理其破題云僧唯不淨狗也

宜偷餅餌引來猶掉續貂之尾索綯  
牽去難回顧鬼之頭又云既歆思於  
實腹遂乃設於空疾即日傳播諸郡

空疾設取  
狗器也

劉原父丹娶歐公女戲作一詩云仙家  
千歲亦何長人世空驚日月忙洞裡  
桃花莫相笑劉郎今是老劉郎又云  
玄章落筆有誰先坐上詩成海外傳

明日京都應紙貴開簾却扇有新篇  
穎妓曹蘇奇往歲與悅已者密約相從  
而其母禁之至苦不勝鬱悒以盛春  
美景邀同韻者聯騎出城登高塚相  
對慟哭既而酣飲諸客聞之賞其曠  
絕於流輩晏元獻聞之為戲題絕句  
云蘇奇風味逼天真恐是文君向上  
人何日九原芳草綠大家携酒哭青

春

黃魚直戲作貴耳賤耳謎云驢耳對軒  
軒爭酬價十千耽耽兩虎視不值一  
文錢

梅詢侍讀嘗從真宗東封因卜命於  
岳神夢三牛聞於庭有稱相公通謁  
者雖異之而不曉其兆既而得濠梁  
守州解有三石牛後呂申公夷簡以

殿中丞來倅詢見之疑若所夢謁者  
於是委遇至厚不數年申公大拜梅  
為發運使按部至濠上作詩寄申公  
云十五年前曾一麾公餘嘗得預言  
詩玉堦武步為霖早雲路風波得志  
逢浴鳳池深春蕩觀魚臺古草離  
離重來故老休相問請揭紗籠有舊  
碑

張子野年八十五尚健買妾陳述古作  
杭守東坡作倅述古令東坡作詩云  
錦里先生自笑狂莫欺九尺髯毛蒼  
詩人老去鶯上在公子歸來燕忙  
柱下相公猶有齒江南刺史已無腸  
平生謬作安昌客略遣彭宣到後堂  
詩人謂張籍公子謂張祐柱下張蒼  
安昌張禹皆使姓張事

文思使或云量銘云時文思索或說殿  
名聚工巧於其側因名之曰文思使  
院

東坡先生名軾直言極諫科時答刑賞  
忠厚之至論有云陶曰殺之三堯曰  
宥之三諸主文皆不知其出處及入  
謝曰引過詣兩制幙次歐公問其出  
處東坡笑曰想當然尔數公大笑

世以鮑昭字明遠讀李義山詩云嫩割  
周陽非肥烹鮑照葵乃知名照非昭  
也

唐明皇時孫遜集中有壽王瑁妃楊氏  
廢為道士制此可見太真妃真壽王  
妃李商隱詩云驪岫飛泉泛暖香九  
龍呵護玉蓮房平明每幸長生殿不  
從金輿載壽王又云龍墀賜酒敞雲  
屏羯鼓聲高衆樂聞中宴歸宮更漏  
永薛王沈醉壽王醒書此事也

唐李義山樊南甲乙四六集序云四六  
之名六博格五四數六甲之取乙  
周禮闈十人鄭玄曰闈真氣藏者今謂  
之宮人也主閑門戶故闈之

東坡先生嘗愛梅聖俞和宋次道紫宸  
早朝詩云陸生聲譽在雲間來預簪

裾謁帝顏冠劍有容夔輿契文章全  
盛馬兼班耽上玉宇龍纏棟靄上金  
鋪獸齒環却出常朝殿前過戟衣風  
動自相攀

天福中楊凝式風子筆墨高妙洛陽寺  
有題壁李建中亦有書名嘗題其榜  
云衫松倒澗雪霜乾屋壁麝煤風雨  
寒我亦平生有書癖一回入寺一回

看

濠守俠德裕侍郎藏東坡一帖云杭州  
營籍周韶多蓄竒茗嘗與君謨閉勝  
之韶又知作詩子容過杭述古飲之  
韶泣求落籍子容曰可作一絕韶援  
筆立成曰隴上巢空歲月驚忍看回  
首自梳翎開籠若放雪衣女長念觀  
音般若經韶時有服衣白一座嗟嘆

遂落籍同輩皆有詩送之二人者最  
苦胡楚云淡粧輕素鶴翎紅移入羽  
闌以不同應笑西園挑與李強勻顏  
色待秋風龍靚云桃花流水本無塵  
一洛人間幾度春解佩暫酬交甫願  
灌綏還作武陵人固知杭人多慧也  
王立之云老杜甫諱閑而詩中有翎開  
或嘴閑過幔或云恐傳者謬又有云  
泛愛怜霜髮留歡半夜閑余以謂皆  
當以閑為正臨文恐不自諱也迂叟  
李國老云余讀新唐書方知杜甫父  
名閑檢杜詩果無閑字唯蜀本舊杜  
詩二十卷內寒食詩云鄰家閑不違  
後見其本問不違又云曾閃朱旗北  
斗閑後見趙仁約說薛向家本作北  
斗殷由是言之甫不用閑字明矣

東坡在維揚設客十餘人皆一時名士  
米元章在焉酒半酣元章忽起之云  
少事白吾丈世人皆以芾為顛願質  
之坡云吾從衆坐客皆笑

東坡論沈傳師書云傳師雖學二王筆  
法後欲破之自立乃傷變主者也近  
世人多學傳師文不至但有小人跳  
雞鷩圈脚手令人可憎世人皆學何

哉

東坡云白公晚年詩極高妙余請其妙  
處坡云如風生古木晴天雨月照平  
沙夏夜霜此少時不到也

東坡云荆公暮年詩始有合處五字最  
勝二韵小詩次之七言詩終有晚唐  
氣味如平甫七字復為佳耳

晉人論三教同異曰將無同曾問東坡



坡云古人以將為初是初無同豈復有異耶後以此旨觀古人用初字意皆同於此義

宗鏡中有古德環同見異頌一首云於一端嚴淫女身出家耽欲及餓拘以前塵無決定相三者分別各不同

東坡老人在昌化嘗負大瓢行歌於田間有老婦年七十謂坡云內翰皆富

貴一場春夢坡然之里人呼此媪為春夢婆坡被酒獨行遍至子云諸黎之舍作詩云符老風情老柰何朱顏減盡髮絲多投梭每困東隣女換扇唯逢春夢婆是日老符秀才言換扇事

東坡云世言柳耆卿曲俗非也如八聲甘州云霜風淒緊關河冷落殘照當

樓此語於詩句不減唐人高處

晁無咎言晏叔原不蹈襲人語而風調

閑雅自是一家如云舞低楊柳樓心

月歌盡桃花扇底風自可知此人不

生在三家村中也

荆公云古之歌者皆先有詞後有聲故

曰詩言志歌永言聲依永律和聲如

今先撰腔子後填詞却是永依聲也

世言盧絳病夢一白衣婦人啖以甘蔗

為歌菩薩蠻詞曰後相見於固子坡

其詞末句云眉黛遠山攢芭蕉生暮

寒此詞人俱能道之而楊大年談苑

中末句不同云獨自凭闌干衣襟生

暮寒不知孰是予嘗謂芭蕉生暮寒

妙甚與衣襟大段相遠大年必不如

此道也

李邦魚黃門在政府時夜夢作春詞云

楊花落燕子橫穿朱閣苦恨春醪如

水薄閑愁無處着綠野帶江山落

角挑葉參差殘萼歷危檣沙外泊

東風晚來惡當年曾到王陵鋪鼓角

秋風千歲遼東回首人閒萬事空後

卒於北門外有王陵鋪云此賀方回續服魚詞

東坡云梁吏劉疑之為人認所着履即

與之後得所失履復還之不肯受又

沈麟士亦為隣人認所着履麟士笑

曰是卿履耶即與之後得所失履還

之麟士笑曰非卿履耶復受之士大

夫出處當如麟士不當如疑之也

契丹天祚文妃喜文墨嘗作史詩以諷

諫云丞相朝來劍佩鳴千官欄日寂

無聲養成寇盜謀將及害盡忠良諫

不行親戚盡連藩屏翰私門潛蓄爪  
牙兵可憐一世秦天子猶向宮中望  
太平文妃被誅後其子晉王誦聖受  
誅母子俱賢也

東坡守杭州時有縣官貪而無恥歆黜  
之逸張父政解其事公厲聲曰古之  
學者為己其斯人耶張問其故掌政  
名曰有司掌教名曰儒臣有曰惟歆  
得之於己儒官惟欲成就於人聞者  
笑倒

侯鯖錄卷之七

侯鯖錄卷之八



聊復翁 趙德麟

司馬文正公言行俱高然亦每有譴語  
嘗作詩云由來獄吏少和氣臯陶之  
狀如削瓜又有長短句云寶髻匆匆  
梳就鉛華淡淡粧成青烟紫霧豈輕  
盈飛絮游絲無定 相見爭如不見  
有情何似無情笙歌散後酒初醒深

院月斜人靜風味極不淺乃西江月  
詞也

今人謂掘直者名方頭陸魯望作有懷  
詩云頭有不會王門事塵土空緇白  
苧衣亦有此出處矣

范堯夫丞相嘗教子弟云文正公有六  
常調官好做官常飯好喫

南唐給事中喬彞知舉進士及第者五  
人卽丘旭樂史王則程渥陳舉皆舉  
數升降等甲無名字以爲喬之榜類  
陳以年高者居上

宣城守呂士龍好緣微罪杖妓後樂籍  
中得一客婢名麗華善歌有聲於江  
南士龍眷之一日復欲杖妓并麗華  
麗華曰不避杖但恐新到某人不安  
此耳士龍笑而從之麗華短肥故梅

聖俞作莫打鴨詩以解之曰莫打鴨  
莫打鴨打鴨驚鴛鴦鴛鴦新自南洲  
落不比孤洲老禿鷓禿鷓尚有獨飛  
雲何況鴛鴦鴛鴦羽翼長

集韻云鼃魚也皮可冒鼓今多以鼃鼓  
使鼃字非也此水虫耳

馮夷者清冷傳曰馮夷華陰潼鄉隄畔  
人也服八石得水仙是爲河伯一云

以八月庚子浴於南河溺死亦云渡

河溺死

出莊子大宗第八卷義注中

詹介南方有人詠梅詩云只有雪爭白  
更無花似香全似裴諷詩格說碁詩  
云人心無笑處國手有輸時又牡丹  
詩云未嘗員處見不似地中生又云  
入山不避虎當路却防人格雖不高  
其入理之言

金陵人謂中酒曰酒惡則知李後主詩  
云酒惡時拈花藥嗅用鄉人語也

江州村民呼公曰大老子孟子所謂二老  
者天下之大老也天下之父歸之其  
子焉往於此可驗

揚州光山寺一小室中有題一絕於壁  
上者曰馬蹄輕蹙柳花浮醉入淮南  
第一州不是青樓羞薄倖自緣無錦

不纏頭又曰高臺已傾池已平隋家  
宮殿春草生千年往事何足歎廣陵  
非復舊時城二詩筆法秀勁不題名  
氏荆公後題云此沈文通詩

劉原父晚守長安春官妓蔡嬌所謂添  
酥者也其召還作詩別曰玳筵銀燭  
徹宵明白玉佳人唱渭城一盃更盡  
須起舞關河秋月不勝情



韓退之以論佛骨貶潮州給事中馮宿亦貶歙州刺史論者謂前一日馮宿於韓家蓋宿教令上疏遂貶焉嗚呼如退之者不免人疑受他人風旨君子使人必信難矣

愁音曹憂也集韻云楊雄有半牢愁今人言心中不快為心曹當用此愁字即憂也

宣宗深懲閹宦恣橫以訪令狐綯綯密奏榜子云但有罪莫捨有闕莫填自然無遺類矣

關東鄙語曰人聞長安樂出門向西笑富鄭公守青州值荒歲艱食從朝廷乞斛斗濟民作書與執政云伏念人生好事難得入手今方遇之幸成樂此志也

富鄭公與歐公書云某在青州作得一  
實頭事全活數萬人大勝如二十四  
考在中書也謂賑濟事

唐末五季士大夫有言曰貴不如賤富  
不如貧智不如愚仕不如閑謂嚴刑  
征科責任驅役四事也其深有旨

東坡自黃移汝過金陵見舒玉邊陳和  
叔作守多同飲會一日遊蔣山和叔

被召將行舒王顧江山曰子瞻可作  
歌坡醉中書云千古龍蟠并虎踞從  
公一吊興亡處渺々斜風吹細雨芳  
草路江南父老留公住公駕飛鞚凌  
紫霧紅鸞驂乘青鷺馭却訝此洲名  
鷺非吾侶翻然欲下還飛去和叔到  
任數日而去舒王笑曰白鷺者得無  
意乎

張文潛每見親友書後無月日便擲於地更不復觀

川中一士人作食菜詩十餘韻俱警句云  
溲頻傾綠水溷急走青蛇  
渾家青菜子一肚晚蚕沙

張文潛戲作雪獅絕句云六出裝成百獸王  
日頭出後便即當爭眉霍眼人誰怕  
想仰應無熱肺腸

有士人誤中秋賦求人作謝啟或戲與一對云  
蓮花裡點燈偶然而已  
草屋上失火茅着可知

天地雖虛廓湛海為最大聖王時祀事位尊  
何作拜祝融為異號恍惚衣百恠三氣變  
流光萬里風雨快靈旗搖紅纛赤虬噴滂  
湃家近玉皇樓彤光照無界若得明月珠  
可償逐客債寫

竟進廣利傍一冠簪水族謂之鰲相  
公進言蘇軾不避忌諱祝融字犯王  
諱王大怒余退而嘆曰到處被相公  
斯壞

唐一官妓性善媚惑人號曰九尾野狐  
東坡先生適是邦闕守權揖九尾野  
狐者一曰下狀解籍遂判云五日京  
兆判斷自由九尾野狐從良任便復

有一名娼亦援此例遂判云敦召南  
之化詩言誠可佳空冀北之群所請  
宜不允

大中二年李尉公謫黃州歷宣宗懿宗  
兩朝無宗相至乾符二年李尉為相  
俄罷去歷乾符廣明中和光啓文德  
龍化大順景祐乾寧悉無宗相而宗室  
陵遲尤其居官者不過郡縣長處鄉

里者或爲里胥族山嵐齋集

東觀奏記云于延陵授建州刺史中謝  
宣宗問曰建去京師遠近延陵曰八  
千里上曰朕左右前後多建人也郡  
極不惡卿若繫已奉公糾輯凋瘵常  
若在朕前或撓法度使遠人無聊郎  
二尺堦前便是萬里

賀監爲禮部尚書祈土贈惠貽太子補  
齋挽郎賀大納苞苴爲毫子相詬辱  
之吏遽掩門賀梯墻謂曰諸君且散  
見說寧王亦甚茨摻矣

唐白岑遇異人傳發背方其驗十全岑  
賣以求利爲淮南小將爲高適脅取  
其方然不甚効後岑至九江爲虎所  
食驛吏於其囊中得其本太原王昇  
之寫以傳布岑得異方秘之求利無

善報乎  
濟人之心宜爲虎食土鼎之者必有

黃魯直云爛蒸同州羊羔沃以杏酪食之以七不以筋抹南京麪作槐葉冷淘糝以襄邑熟猪肉炊共城香稻用吳人鱠松江之鱠既飽以康山之谷簾泉京曾坑鬪品少焉卧北窓下使人誦東坡前後赤壁賦亦足少快

甲冑者廣雅云兜鍪謂之冑

商賈白虎通云商之言商也商其遠近通四方之物以聚之也賈者固也固物以待民來求其利也

銘者刻金石以紀德也禮曰銘者自名也銘義稱全少更嗟謾道沙溪味却佳半正半邪誰可會似君書疏正交加

客有自丹陽來過穎見東坡先生說章  
子厚學書日臨蘭亭一本坡笑云從  
門入者非寶章之終不高耳

東坡嘗作韓幹馬詩云少陵翰墨無形  
畫韓幹丹青不語時此畫此詩今已  
矣人間駑驥謾爭馳今以為法若論  
此詩畫於此畫矣每誦數過殆欲常  
以為法也

蘇二處見東坡先生與其書云二即姪  
得書安并議論可喜書字亦進文字  
亦若無難處以一事與汝說凡文字  
少小時須含氣象崢嶸采色絢爛漸  
老漸熟乃造平淡其實不是平淡絢  
爛之極也汝只見爺伯而今平淡一  
向只學此樣何不取舊日應舉時文  
字看高下抑揚如龍蛇捉不住當但

學此只書字亦然善思吾言云此一  
帖乃斯文之秘學者宜深味之

張乖崖自城都召還華山寄陳搏詩云

世人大抵重官榮見我西歸夾路迎

應被華山高士笑天真喪盡得淨名

山谷建中靖國間例復官職有詩十首

一曰陽城論事蓋當世陸贄草詔傾

諸公翰林若要真學士喚取瞻州禿

鬢翁謂東坡也

韓退之不喜僧每為僧作詩必隨其淺

深侮之如送靈師馱云圍棋閉白里

生死隨機構六博在一擲呼盧叱迴

旋爭戰誰與敵活計橫戈鋌飲酒盡

百杯朝譁思逾鮮有時醉花月高唱

清興綿言僧之事乃云圍碁飲酒六

博醉花唱曲良為不雅可謂出醜矣



又送澄觀詩乃清涼國師者雖不敢  
如此深詭亦有向風長嘆我欲收斂  
加冠巾亦欲令其還俗終不喜

歐陽永叔浣溪沙云堤上遊人逐畫船  
拍堤春水四垂天綠楊樓外出鞦韆  
此翁語甚妙絕只一出字是後人着  
意道不到處

魯直云東坡居士曲世所見者數百首

或謂於音建小不諳居士詞橫放傑  
出自是曲子縛不住者

無咎云張子野與柳耆卿齊名人以為  
子野不及耆卿富而子野韻高是耆  
卿所多處

無咎云比來作者皆不及秦少游如云  
斜陽外寒鴉數點流水遶孤村雖不  
識字人亦知是天生好言語也

黃魯直閒為小詞固高妙然不是當行家語乃着腔子唱好詩也

晉世家云叔虞武王之子姜太公之外孫令置祠是也

山谷在潏溪詠水仙花詩云凌波仙子生塵襪波上盈盈步微月被誰招此斷腸菟種作寒花寄愁絕含香體素欲傾城山樊是弟梅是兄坐對真成

被花惱出門一笑大江橫

山谷云東坡墨戲水閣石潤與余草書閉門自徹題東坡水石

桃黃事東坡書云有某人山居夜夢溪邊有一人溺水某人援而出之飯後縱步至一溪邊真夢中見者獵人縛一鹿來某人收于得之鹿逐某人跬步不可離後於所居林間地上有桃

一枚甚大樵婦過而食之棄其核而去  
其人取之破其核得雄黃一塊某  
人吞之自此不復食東坡名此鹿為  
山客

國史補云酒有郢之富水烏程之若下  
滎陽之上窰春富平之石梁春劔南  
之燒香春老杜亦云聞道雲安麴米  
春纔傾一盞即醺人裴航作傳記裴

航事亦有酒名松醪春唐人多以春  
名酒也

熊執易為補闕上疏極諫竊示僚友歸  
登慘然曰願列一名雷霆之怒足下  
豈可獨當今之士大夫有同為朝廷  
言事或不從即先變其議以合之者  
或變之不及即自辨出已意傾害同  
列而幸自脫者於登良愧矣

江南道中壁上有詩云蛇雖死後性猶存蘭綖焚時根亦香此警世之語有道之言也


東坡作詩妙於使事如云剩欲去為湯餅客却愁錯寫弄壘書弄璋乃李林甫事湯餅客出劉禹錫贈張詩云

憶爾懸弧日余為坐上賓舉觴食湯餅祝辭天麒麟其麟若以為明皇土后事

則不見坐食湯餅之意

侯鯖錄卷八終





5

